

Archief van de Graven van Blois

Nationaal Archief, Den Haag, nummer toegang 3.19.10

Inv.nr. 88: 22 dec. 1358-11 nov. 1359

transcriptie door

H.A.Verhoef

Rekening van Frederik v.d. Zevender

afgehoord 8 febr. 1360

Schoonhoven, 2003

f.1.

Dit is rekeninghe Vrederix van der Zevendaer van dat verscenen is vyt mijns joncheren bosche bi der Goude zeder die tijd dat ter Vrederic voirsr. bevolen was te verwaren dat was des anderen daghe na sinte thomas dach int jaer 58 tot sinte martijns daghe toe in den winter daer na.

In den eersten reket Vrederic minen joncheren zelve ghelevert te hebben ende anderen heren ende goeden luden ghesent ende ghepresenteert binnen der tijd voirsr. an grawen reygheren daer die somme of loept 633 grauwe reyghers.

Des leverde hi minen joncheer Janne van bloys binnen der tijd voirsr.	359
Item ghesent den heer van Arkel	15
Item den heer van Ijselsteyne.....	26
Item heer Walraven van Borne	20
Item den heer van Herlaer.....	10
Item heer Aernt van Arkel	15
Item heer Janne van Langherake	29
Item den borchgrave van Montfoerde	10
Item heer Janne van der Goude.....	5
Item heer Gherijt van den Vliete.....	7
Item heer Aelbrecht.....	7
Item heer Ghisebrecht	6
Item Jan van Bueren.....	6
Item Gherijt van Oesterwijn.....	17
Item Jacop van der Goude	10
Item Dirx wijf van der Goude.....	13
Item Pieter den kamerouwer	10
Item Herman den barbier en Willem den messagier	2

f.1v.

Item den scout van der Goude	4
Item den tolnaer van der Goude.....	4
Item Ribout	2
Item heer Wernaer.....	2
Item Willam van Foreest.....	15
Item meyster Phillips van Leyden	4
Item Coenen van Oesterwijn.....	5
Item Ghisebrecht Willamssoen.....	4
Item Willam die Witte	4
Item Dirc sinen soen	4
Item oude Dirc Willamssoen	4
Item Claes Bent.....	2
Item Jan van Almelo	2
Item Vrederic van der Zevendaer zelve.....	10

Somma van den reyghers die ghelevert ende ghesent sijn 633

f.2.

Item heeft Vrederic voirsr. ontfanen van reyghers die hi vercoft heeft ende ghelevert Louwekijn ende sinen gheselle t'Dordrecht binnen der tijd voirsr. van 1375 cleinre reyghers van elken honderde 3 lb.4 sc. Coemt an slechte ghelde,..... 44 lb.holl.

Somma van al dat Vrederic binnen den voirscr. jare van den bosche heeft ontfaen loept an slechten ghelde, 44 lb. holl.

f.2v.

Dit is dat Vrederic van der Zevendaer weder vytghegheven heeft van mijns joncheren wegghen binnen der tijd voirscr.

Eerst van den reygheren vyttten bosch op t'water te brenghen ende voert tot Dordrecht te voeren van zeven reysen van elker reyse overmids sciphuer ende knapenloen 10d. coemt, 3 lb.10 sc.

Item van haken die voghe mede te winnen van jkorven die voghe in te houden ende van leederen, 35 sc.4d.

Item van den fatseelhoute te houwen dat mijn joncheren hadde ende van den selven vuyttten bosche te draghen ende t'Scoenhoven te brenghen, 6 lb.2 sc.4d.

Item van den selven houte te snoeyen te fatseelen ende te maken, 16 sc.

Item van den dike te maken die ten broeke hoert, 10 sc.

Somma van allen vytgheven binnen der tijd voirscr. loept an slechten ghelde, 12 lb.13 sc.8d.

Item sel Vrederic voirscr. hebben voir sine wedden van den voirscr. jare over sinen arbeyt en dienst t'voirscr. bosch te verwaren, 24 lb.

Somma perse, 24 lb. Holl.

Somma summarum van allen vytgheven overmids die wedden van den jare voirscr. loept an slechten ghelde, 36 lb.13 sc.8d. holl.

f.3.

Ende sijn ontfaenc dat in dese rekeninghe staet loept, 44 lb. holl.

Aldus heeft hi meer ontfaen dan vytghegheven bi deser rekeninghe, 7 lb.6 sc.4d.

Die hem joncher Jan quite liet ende gaf overmids dat hi hem des diensts verdroech.

Gherekent op t'huys t'Scoenhoven des saterdaghes na onser vrouwen dach purificacio int jaer 59 voor minen joncheer selve den heer van Barbenchon, heer Jan van Langherak, Aelbrecht van Meerten, heer Ghisebrecht cappelaan, Gherijt van Oesterwyc, Janne van Bueren, Dirc van der Goude en anderen.